

明代論著叢刊

邊
華
泉
集

邊

貢撰

漢文圖書出版社有限公司
印行

明代論著叢刊

邊華泉集

偉文圖書出版社有限公司
印行

明代論著叢刊

邊華泉集

定價：新台幣三〇〇元
美金八元

出版者：偉文圖書出版社有限公司

撰者：邊 貢

發行所：偉文圖書出版社有限公司

信箱：台北第六八一九八一號

電話：五八一六九九五
五七一四七八五

郵撥：第三〇四〇四三號

美國辦事處
業務經理：Mr. Chun T. Lai

5 Beekman Street

New York N. Y. 10038 U. S. A.

TEL: (212)-233-1780 (212)-233-1781

印刷所：東興美術印刷廠有限公司

台北市東園街一〇〇巷一四六號

中華民國六十五年五月

(本書係國立中央圖書館所藏)

Published By Wei-Wen Book & Publishing Co., Ltd.

P. O. Box 68-981 Taipei, Taiwan, R. O. C.

Tel: 5714785, 5816993

邊華泉集目錄

第一卷

四言古詩五首

五言古詩八十七首

七言古詩九首

第二卷

騷體四首

樂府三十五首

歌行六十五首

第三卷

五言律詩一百五十五首

第四卷

五言律詩一百六十五首

第五卷

七言律詩一百一十一首

第六卷

七言律詩三百一十七首

第七卷

五言絕句九十四首

七言絕句二百九十七首

排律十首

長短句六首

六言十七首

六言近體一首

第八卷

箴二首

銘二首

頌一首

贊四首

詩餘六首

華泉集目錄

畢

遼華泉集卷之一

郡人劉天民希尹彙次

四言古體

隰柳壽林母也

隰則有柳原則有杻顯允林侯母德且壽母壽維何
七袞是望母德維何嬋古敬姜

殷殷其雷在山之陽侯政有聲聞于東方匪維東方
四國是揚母心則閒母體則康

體之康矣鬢之黃矣我侯燕喜家之慶矣於百斯年
錫胤之無疆矣

二章章八句一章章六句

朝涉篇

朝涉美孝子也。陳大夫仕爲御史，贈其親戚而悲焉。風人美之，故作是詩。

朝涉洪流，夕步江臯。凱風吹衣，游子心勞。
岸則有藻，江則有魚。我釣我採，薦之中厨。
昔曳里布，以獻以舞。今也則亡，敢耀斯組。
繫祭五鼎，厥養廼三。祿不逮存，哀哀孰堪。
上塚藝黃，下塚回首。嗟嗟游子，行役已久。
曖曖暮光，蕭蕭白楊。永懷二人，曷也可忘。

六章章四句

圃田詩有序

洪隱君者歷下人也。有用世之才而不樂于仕仕。且及曰。吾弗仕也。戢居東山。習治圃焉。予之不見者十年矣。日往來于懷思。一見之而竟不得也。今年春有客自山中來。至京師。至京師未久也。乃歸山中。曰。洪子之懷子也甚甚于吾子之懷之也。吾歸矣。子盍有言乎。予曰。有是哉。洪子之不爲移文。誚我也。則幸矣。作圃田詩以美之。

圃有田田。田兮宜我碩實連連兮。

圃之中兮有田。可宮我構斯崇。維栢維桐。曷以弗永終。

圃之周兮，翼翼盈我疇兮。疇有秋兮，曷其求兮。

一章章三句二章章五句三章章四句

泉之濱哀隱士也

泉之濱兮，白石磷兮。以飲以濯，育吾真兮。

泉之澍兮，錫之土兮。載漚載渠，溉之溥兮。

人之墜矣，泉之匱矣。瞻言跂兮，衆之喟兮。

三章章四句

山之陽送朱子宜歸省三章

山之陽兮，有春者暉。草之華矣，將子言歸。

山有泉兮，瀼瀼其流。子之歸矣，誰與我晤遊。

子之歸矣，登堂壽母。何以贈子，曰有春酒。

五言古體

送王內史敬夫歸省

以尊甫詩燈花開赤
熒喜鵲報清音爲韻

歸驂慕鄉土欲止不可能朝發華陰祠日夕過灞陵
風林散輕雨山店明春燈忽憶舊時路別來如更增
蠅蛸綴簷牙遊子行到家鄰里登牆頭顧望紛且譁
堂前列車馬堂上生光華何以爲親壽宮衣明繡花
草堂近終南采蘭日往來兄弟各相勉行歌咏南陔
親心日以悅親顏日以開閒時語家慶笑指庭中槐
春潭水烟青春岸杏花赤宛轉沙上經依依記行跡
濯纓清淺流還坐舊苔石鷗鷺了不驚遙應識歸客
春分酒初熟春滿青門店匹馬隨雙童穿林復經塹

夜窗清夢裏花筆生彩焰好是南山靈相尋索詩欠
我思何所在乃在樊川泚斜月照虛梁微風動芳芷
悠悠抱沉念脉脉感前喜尺練難重持春水限雙鯉
君陂水多魚我湖山有鵲一飛與一潛各自相娛樂
同遊京輦下十載鎮如昨昨夜問君行朝來宦情薄
君才比天馬高躅不可蹈我心是亡羊多岐賴君導
關山一爲別輪軫何時到感激木瓜篇瓊琚愧相報
枕書卧南窓月黑燈不明遙夜無近夢深交有遐情
鳴琴寫幽懷調苦絃亦清曲罷不成寢高林啼曙鶯
秣馬西送君行行古城陰長亭短亭路千里萬里心
春綠變山草連連圖與岑歸林渺烟光彷彿聞車音

送陳文鳴

鬱鬱深澗松冬夏不改青濯濯江柳花隨波化流萍
羨彼五陵客終朝宴芳腥三楚多秀士皓首窮六經
誰爲尺一書薦之升王廷

達人狗高義立志不苟同長嘯六合表傲睨一世中
君看今日顏不及昨日紅乘運各努力揚休樹德風
顏年儻相值跨鶴蓬萊東

次何遜落日泛江贈魚司馬之作奉送劉美之
相投已盍簪相贈還絕帶昨暮長安西今朝苑城外
誰言車馬地復得須臾會會君心暫悅去君心轉切
秋岐蔓寒草隱隱烟不絕歸鴈影聯翩墜葉聲騷屑

端居尚與感况乃萬里別桂舸沂江湘何時到蠻泖
蠻水夜悠悠月明登郡樓幽蘭翠縈渚紫蘅香蒲洲
應歌楚人詞坐惜勛名浮

美之席上限韻送別二首

惻惻重惻惻當歌忽成默客車駕雙輪欲挽不可得
華燈粲宵焰殷勤照行色月轉庭榭光風起簷樹黑
誰能理朱絲爲鼓長相憶

悠悠清川波矯矯風林翼翼飛邈難止波去何時息
憐君萬里行莽莽天南北懼紛有孤操涉遠無近力
不見寒松枝歲晚青更宜

賦得將有事於西疇送王中丞致仕

發春驚蟄始土脉動淵泉時雨宵旰零浮陽藹平阡
夙晨飾耒耜驅牛登廣原竭茲畎畝力感彼農父言
穡事依東作天時易流愆南鄰有逸夫日晏高枕眠
四體苟不勤何以窮歲年

送王叔武使河南便道省覲二首

黃河三尺雪冰厚不可解使君白馬來青雲見風采
蕭蕭梁園竹秀色遙相待鄒生與枚叟借問今安在
日暮登吹臺今情向千載

奕奕明農堂修楣耀晴彩堂前春草綠堂上春雲發
遊子日下還宮衣試新綵夕膳飴鮮鱗晨羞薦芳蒞
何以祝親壽如山復如海

章氏園錢別升之分得木字

中園飛雨過遙遙散遐矚青雲陰華棧迴飈撤炎燠
百卉何歲蕤芳菲鮮如木駕言贈遠人采采溝中綠
遲回未終極陽景沉西陸歸驥嘶長林翔禽鳴高木
感物多所思褰裳以躑躅躑躅不可留何以慰衷曲

送玉盛

朝辭雙闕下暮抵三河宿古戍早鴻稀荒城寒草綠
上官山吏拜行縣村童逐冉冉松間亭何人伴幽獨
秋郊別意爲汝南孟翁補作二首

驅車循廣術言返故鄉縣晨光一何綺熹微散秋句
宛宛墟曲中盈盈露華滋因之感遊寓物候倏已變